

L projet l vegn ca da na colaborazion, che va inant ja da n bon trat, anter l Comun General de Fascia, la Coprativa Progetto 92 e la Scola Ladina de Fascia, la Coprativa Oltre e, da chest an, ence la Coprativa Le Rais, con vèlch neva che ge va dò amò de più ai besegnes de la families daldidanché.

De gra a la colaborazion metuda a jir co la Coprativa Le Rais tel frabicat de la "Villa Bacchiani", senta del Ski College a Poza, aon troà na senta demò olache se pel ge dèr alberch a duc i studenc, arseguran perauter che vegne respetà la lèrga, l temp e i besegnes che doura ogne fascia de età (scoles populères e mesènes).

Desche l'an passà l'atività la vegn metuda en esser de lunesc, de mercol e de vender da canche fenesc la lezions enscin da les 6 da sera, ge dajan l met a duc de marenèr ensema.

A una co la Scola Ladina de Fascia, per ge jir encontra amò miec ai besegnes de la families, **i scoles che se à enscinuà ai laboratories facultatives de la Scola che i à de besegn o i à gust, i pel vegnir a marena a Villa Bacchiani ence se dò no i va a scola.**

I scoles de la Scoles de Ciampedel e de Moena i podarà ence meter dant la domana de se emprevaler de n **servije de trasport**, enscin che l'é posc a la leta.

L trasport l vegn arsegurà per jir da la scola a la senta de l'atività, enzeve per jir de retorn vegn garanti l compagnament enscin a la fermèda de la corieres per chi che va a cèsa enstesc.

L'orarie de la ativitèdes l'é stat lurà fora aldò di oraries de la corieres.

L projet l met dant n servije per didèr i bec te sie percors scolastich, per i fèr stèr delvers e enjignèr n bel ambient de lurier, ence col meter a jir ativitèdes per i fèr stèr adum.

Se pel se enscinuèr te senta de l'atività, te la Villa Bacchiani, Strada Vaiiolet n. 3 a Poza, ti dis de:

- **En vender ai 5 de otober** da les 16 a les 19.
- **En lunesc ai 8 de otober** da les 16 a les 19.

Vegn domanà de cerder fora **amàncol 2 giornèdes** anter la 3 proponetes per i trei trac de temp metui dant Otober-Dezember, Jené-Mèrz e Oril-Mé e l paament de la soma aldò di servijes domané l vegn calculà coscita:

CALCOL DE LA SOMES	DA PAÈR AL MEIS
PARTEZIPAZION PER 3 DIS con marena e trasport	<b>€ 120,00</b>
PARTEZIPAZION PER 3 DIS con marena	<b>€ 100,00</b>
PARTEZIPAZION PER 3 DIS demò domesdi	<b>€ 60,00</b>

PARTEZIPAZION PER 2 DIS con marena e trasport	<b>€ 80,00</b>
PARTEZIPAZION PER 2 DIS con marena	<b>€ 60,00</b>
PARTEZIPAZION PER 2 DIS demò domesdi	<b>€ 40,00</b>

**DEMÒ MARENA  
€ 5,00 A BÈST**

Se pel paèr tras orden de paament a la banca o bancomat ed l cost l vegn smendrà cò tol pèrt più che un fi.



"Met de poder se emprevaler de la Zédoles de Servije cofinanzièdes dal program Operatif del Fon Sozièl European 2018-2020 de la Provinzia Autonoma de Trent". Informazions te la Struttura Multifunziònèla Teritorièla Ad Personam, numer vert 800163870".





L Comun General de Fascia,  
a una co la Coprativa Progetto 92, la Scola  
Ladina de Fascia, la Coprativa Oltre e la Coprativa Le Rais

## ENSEMA SE MUDA! INSIEME SI CAMBIA!

Projet per ge didèr ai bec a studièr e a sozialisèr  
out ai bec de la scola populèra (da la 3a a la 5a)  
e ai tosec de la scola mesèna.

De otober taca endò i laboratories per ge didèr  
ai bec a studièr e a sozialisèr, ouc tant ai bec de  
la scola populèra che a chi de la scola mesèna.

I posc a la leta i é 30 en dut (15 per la scola mesèna  
e 15 per la scola populèra).

I laboratories per didèr i bec a fèr i doeres de scola  
i tacarà **en lunesc ai 15 de otober del 2018** e i  
fenirà sù **en mercol ai 5 de jugn del 2019**, dò i  
calandèr de la scola.

La educadores les sarà a la leta endèna i oraries  
de servije al:

**num. 320/0761086**

o via mail a la direzion:

**fajonensema@progetto92.net**

# ENSEMA SE MUDA! INSIEME SI CAMBIA!

